



M Soab A Wēnde, m kot-F-la sōmā wā gilli, dūni kaanē la laahre, m sēn bāng la m sēn ka bānge, la m kot-F-la gūudum n yi wēngā gilli, a dūni la laahre, mam sēn bāng la m sēn ka bānge

Yii a ‘Aaīša sēn yaa muumim-rāmbā ma wā nengē, (Wēnd yard be a yīnga) tı Wēnd Tēntuumā (Wēnd puusg la A tıgr be a yīnga) a wilg-a-la do-kāngā: «M Soab A Wēnde, m kot-F-la sōmā wā gilli, dūni kaanē la laahre, m sēn bāng la m sēn ka bānge, la m kot-F-la gūudum n yi wēngā gilli, a dūni la laahre, mam sēn bāng la m sēn ka bānge, m Soab A Wēnde, m kot-F-la sōma Fo Yambā la F Nabiyaamā sēn kose, la m kot-F gūudum Fo Yambā la F Nabiyaamā sēn kos gūudum n yi-a, m Soab A Wēnde, m kot-F-la arzānā la būmb ning sēn na n pēneg arzānā sēn yaa gomde, maa tuumde, la m kot-F gūudum n yi Bugmā la būmb ning sēn pēnegd maam ne Bugmā, sēn yaa gomde, maa tuumde, la m kot-F tı buud fāa F sēn bu mam zug bı yi sōma ne-ma».

[Naşun Şahuhun (Gom-sikdem sēn manege)]

Nabiyaamā (Wēnd puusg la A tıgr be a yīnga) karema a ‘Aaīša (Wēnd yard be a yīnga) doos sēn tigme, la yaa doos-rāmb a naase: Rēenemā, yaa doaag sēn gūbg sōma fāa gilli (M Soab A Wēnde, m kot-F-la sōmā wā gilli) la b fāa gillā (dūni kaanē) sēn pē (la laahre) la sēn zāre, (m sēn bānge) sēn yi Fo sēn wilg maamā (la m sēn ka bānge), sēn welg Fo bāngrā pugē, (F Naam yılgame). La bee doaagā pugē sēn yaa yell boblg ne Wēnde, sēn yaa Mit-kāagā, rēnd Wēnd tūsdame n kō İslamā (A Naam yılgame) būmb ning sēn tug n yaa neer n yude (la m kot-F-la gūudum) m yōkd F sεεga la m baood gūub ne Foom (n yi wēngā gilli, a dūni la a laahre, mam sēn bāng la m sēn ka bānge). Doaag a yiib soabā: yē yaa gūusg ne İslam t'a ra maan n zuug kosgā pugē ye (m Soab A Wēnde) la m kot Fo nengē (m kot-F-la sōma Fo Yambā la F Nabiyaamā sēn kose (Wēnd puusg la A tıgr be a yīnga), (la m kot-F gūudum Fo Yambā la F Nabiyaamā sēn kos gūudum n yi-a) (Wēnd puusg la A tıgr be a yīnga), la yāwā la doaag la kosg ne Wēnde t'A kō koatā Nabiyaamā a Muhammad (Wēnd puusg la A tıgr be a yīnga) sēn kos n kō a mengā, la ka welg n sōd Nabiyaamā sēn rag n kos doos ninsā kōbg fāa ye (Wēnd puusg la A tıgr be a yīnga). Doaag a tāab soabā: yaa arzānā baob kosgo, la zāag n yi Bugmā, yē me la İslam fāa bōn-baoodgā la a tuumā fāa yōodā (m Soab A Wēnde, m kot-F-la arzānā) la m kot puur paoong ne-a (la būmb ning sēn na n pēneg arzānā sēn yaa gomde, maa tuumde) tuum sōms sēn yard Foom (la m kot-F gūudum n yi Bugmā), bala gūud ka be n yi tuum wēnsā sā n ka Fo nimbāan zoεεga (la būmb ning sēn pēnegd maam ne Bugmā, sēn yaa gomde, maa tuumde) sēn yaa Wēnd kusg tuumā sēn gēed Foom A Wēnde. Doos a naas soabā: yaa kos yarda ne Wēnd Buudā (la m kot-F tı buud fāa F sēn bu mam zug bı yi sōma ne-ma) la yell fāa Wēnd sēn bu bı A maan-a t'a yı sōma ne-ma, la wānde bee kos

النجاة الخيرية
ALNAJAT CHARITY

